

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Suliassat nalinginnaasut

Imm. 04 Nunaqarfimmi ilinniagalik suliassanik tiguisalernissaa

Imm. 05 Qeqqata Kommunia Itillimut Sarfannguanullu qujassummik tunniussinissaa

Imm. 06 Aliikkusiarfiup ammarnissaa

Imm. 07 Meeqqat ulluanni meeqqat ujaqqanik qalipaanerat

Imm. 08 Qatserisartoqarneq

Imm. 09 Arctic Sport Sarfannguit qinnuteqaataa

Imm. 10 Arctic Sport Itilleq qinnuteqaataa

Imm. 11 Paasissutissiissutit / Ilisimatitsiissutit

Imm. 12 Tamalaat.

Ataatsimiinneq aallartippoq nal. 10:08

Peqataasut:

Naleraq:

Erneeraq Jensen, Batseba Karlsen, Amalie Dahl

Siumut:

Dorthe Olsen

Nalunaaruteqarlutik peqataanngitsut: Pele Enoksen

Nalunaaruteqaratik peqataanngitsut:



Imm. 01 Oqaluuserisassat akuersissutigineri

Aalajangiineq

Ilaasortaniit akuersissutigineqarput



Imm. 02 Siulittaasup nalunaarutaa

Siulittaasup nalunaarutaa

Sarfannguani nunaqarfinmi aqutsisuni ilaasortap nalunaarutaa

Aalajangiineq

Tusaatissatut tiguaat.



Imm. 03 Aningaasanik ingerlatsineq

Aningaasat killiffii / Powerbi

Aalajangiineq

Tusaatissatut tiguaat.



Imm. 04 Nunaqarfimmi ilinniagalik suliassanik tiguisalernissaa

J.nr.

Oqaluuserisassanngortitsisoq Erneeraq Jensen nunaqarfimmi aqutsisuni siulittaasoq

Tunuliaqutaq:

Itillimi ilinniarsimasorpaalunnik naammassinikunik peqarpoq. Taavalu avataaniik suliartortitat isiginnaaginnartarpai nunaqavissup ilinniagallip suliarsinnaagaluarlugu. Sanasoq, Ruujorilerisoq, Saffioq, Handyman itillimi ilinniarsimasortaraagut.

Pissutsit atuuttut:

Nunaqavissoq salliunneqartalernissaa, soorlu Qeqqata Kommunianut attuumassutilik arlaat suliassanngorsimappat, ilinniartortatta ilinniagaa apeqqutaalluni suliassaq tigusalissagaa, soorlu sisimiuninngaanniik Itillimut paasiniaaqaartalerlutik kikkut itillimi ilinniarsimasuunersut uunga suliassamut tiguisinnaappat. Assersuutigalugu atuarfik aneersuatarfiliorniarpog, taava innersuussutigineqartarluni Itillimi sanasoq. Sisimiuniik paasiniaaqaartalernissai kissaatigivara.

Innersuussut

Allaffeqarfiup innersuussutigaa oqaluuserineqassasoq allaffissuarmullu ingerlateqqinneqassasoq.

Aalajangiineq

Ilaasortaniit akuersissutigineqarpoq aalajangerneqarlunilu namminersortut imminut ilisaritinnermik sanateriarlugit ingerlateqqinneqassasut qullersaqarfimmut.

Imm. 05 Qeqqata Kommunia Itillimut Sarfannuguanullu qujassummik tunniussinissaa

J.nr.

Oqaluuserisassanngortitsisoq Erneeraq Jensen nunaqarfimmi aqutsisuni siulittaasoq

Tunuliaqutaq:

Ukiuni kingullerni Itilleq eqqagassat pillugit saligaatsuunerpaanera unammissutaasaqattaarpoq. Ukiunilu kingullerni Itilleq nunarsuarmi kusanarnerpaattut nr 21-tut inissisimanikuuvoq. Tamannalu pillugu nunatsinni suliffeqarfissuit pingaarnarpaat ilaat marluk tassa KNI aamma Royal Greenland suleqatigiillutik nunaqarfinnik saligaatsuutitsineqqusaallutik unammisitsisarput. Taanna suliaq aallartinnginnerani Itillermiut tikeraaqqaarneqarnikuupput KNI-minngaaniik Royal Greenland-iminngaanniillu tusarniaavigiartorlugit qanoq ilioramik nunaqarfik taamak eqqagassatigut paarilluarneqarnerpoq paasiniaajartorlutik. Aappaaguanilu kalaallit nunaat tamaat unammissutaalerpoq eqqagassanik katersaqarnerpaanniullutik. Suliaq taanna suliffeqarfissuarniik aallartinneqarneraniik ukiut pingasut missaat qaangissimalerpoq, ajugaasullu grillerinermik nerersuaaqatigiinnertalimmik nipilersorpalaamillu ajugaanersiorneqartarpoq. Taakkunanilu ajugaasuupput Sarfannuguit, Saattut. Tassa Itilleq pisuulluni kalaallit nunaat tamaat unammisoqartalerpoq ajugaasoqartalerlunilu.

Pissutsit atuuttut:

Taamaammat isumaqarpunga Qeqqata Kommuniata taperserluta arlaannik qisuariartariaqartoq. Assersuut aningaasanik tunissuteqarsinnaavoq taava taakku aningaasat tunniunneqartut eqqaavinnut eqqagassanullu sakkussanut allanut atorneqarsinnaammata. Imaluunniit nunaqarfiup iluani aqquserngit sinaanut inississukkanik skilt-inik ilioraasoqarsinnaagaluarpoq ukiut tamaasa ukiuugaluarpat aasaagaluarpallu napasinnaasunik pitaartorsinnaagaluarpugut. Skiltit assersuutigalugu imatut ilaatigut allaqqasinnaapput
“MAANI MAANGAANNAQ EQQAASOQAQQUSAANNGILAQ”

Innersuussut

Allaffeqarfiup innersuussutigaa qullersaqarfimmut ingerlateqqinneqassasoq.

Aalajangiineq

Ilaasortaniit akuersissutigineqarpoq aalajangernerlu qullersaqarfimmut ingerlateqqinneqassaaq.

Imm. 06 Aliikkusiarfiup ammarnissaa

J.nr.

Oqaluuserisassanngortitsisoq nunaqarfimmi aqutsisuni ilaasortaq Amalie Dahl Itilleq, oqaluuserisassanngortitaq siulittaasumit Erneeraq Jensen-imit akuersissutigineqarpoq.

Tunuliaqutaq:

Upernaaq aliikkusiarfimmi sulininni sammisassatigut atortut aamma ilaqutariinnut unnoqartarneq allannguiffiusariaqalersut paasivakka.

Pissutsit atuuttut:

Ataasinngorneq-Pingasunngornerlu inuusuttunut atuisarneq ataasiinnanngornissaa kissaatiginarpoq atuarfimmi aamma klubbeqartareersut sapaatip akunneranut pingasoriarlutik sammisaqaannaavikkamik allat nunaqqatit tunulliuteqqavagut pingasunngornerluunniit allatut nunaqqatigiinnut orniginerulersillugu aaqqissuunneqartariaqalerpoq.

Innersuussut

Allaffeqarfiup innersuussutigaa Kommunemut ingerlateqqinneqassasoq.

Aalajangiineq

Ilaasortaniit aalajangerneqarpoq kommunemut suliassaq ingerlateqqinneqassasoq.

Imm. 07 Meeqqat ulluanni meeqqat ujaqqanik qalipaannerat

J.nr.

Oqaluuserisassanngortitsisoq nunaqarfimmi aqutsisunut ilaasortaq Amalie Dahl Itilleq, oqaluuserisassanngortitaq siulittaasumit Erneeraq Jensen-imit akuersissutigineqarpoq.

Tunuliaqutaq:

Ujaqqat qalipatsinnikuusat apitinnagu inissaanut inissinneqartariqalerput meerannguit utaqqipput.

Pissutsit atuuttut:

Kateriffiup silataanut kiisa ilineqaannarsimapput neriorsuutit qanorli taakkuninnga suliaqartuulluni pakatsinartigiva soqutigineqanngitsutut suliaat kusanarsakkat maaniinnaq ilineqarneri.

Innersuussut

Allaffeqarfiup innersuussutigivaa oqaluuserineqassasoq aaliangerneqassasorlu sumut inissinneqassanersut.

Aalajangiineq

Ilaasortaniit aalajangerneqarpoq kommunemiik nunaqqatigiinnut aggersaasoqassasoq aalajangiisoqassasorlu sumut inissinneqassanersut.

Imm. 08 Qatserisartoqarneq

J.nr.

Oqaluuserisassanngortitsisoq nunaqarfimmi aqutsisuni ilaasortaq Amalie Dahl Itilleq, oqaluuserisassanngortitaq oqaluuserisassatut siulittaasumit Erneeraq Jensen-imit akuersissutigineqarpoq.

Tunuliaqutaq:

Aasarli qatserisartut ataatsimeeqatigaagut maani uninnganerat pillugu. Suli ullumimut tutsaqartoqanngilaq qanoq ingerlariartoqaqqilernersoq.

Pissutsit atuuttut:

Nalliuttut qanillipput. Taamaattumik ilungersunarpoq nunaqqataalluni ikuallattoqalissappat susoqassava? Atortui misilinneqarnikuunngitsut suli ullumimut ukiut arlerpaat.

Innersuussut

Allaffeqarfiup innersuussutigivaa qatserisartut sulisitsisinut saaffiginnittoqassasoq Sisimiunut

Aalajangiineq

Ilaasortaniit aalajangerneqarpoq allakkiortoqassasoq qatserisartullu qullersaannut ingerlateqqinneqassasoq.

Imm. 09 Arctic Sport Sarfannguut qinnuteqaataa

J.nr

Tunuliaqutaa:

Arctic Sport Sarfannguut nunaqarfimmi aqutsisunut aningaasanik qinnuteqaataat, qinnuteqarput siulittaasoq Dorthe Olsen siulittaasullu tullia Pilunnguaq Jonathansen. Oqaluuserisassanngortitaq nunaqarfimmi aqutsisut siulittaasuanniit Erneeraq Jensen-imit akuersissutigineqarpoq.

Nuna tamakkerlugu kattuffimmiik Arctic Sport-ertartunut sungiusaasunik pikkorissaanissamut 30/10 – 02/11 ilulissani pisussami nunaqarfimmi aqutsisunut aningaasanik qinnuteqarput Arctic Sport sarfannguani siulittaasoq siulittaasullu tullia. Timersuutip aallunneqarnera annertusiartortillugu nunanullu allanut unammiartitaqalernikuuneq pissutigalugu sungiusaasut atorfissaqartinneqarmata angusarissaarnissaq siunertaralugu.

Aningaasat qinutigineqarput katillugit: 13.211kr	
Taxat Sisimiuniit Ilulissanut uterlugulu:	600,-
Billet Sarfannguaniik Sisimiunut uterlugulu:	670,-
Billet Sisimiuniik Ilulissanut uterlugulu:	3.064,-
Unnuiffissaq Sisimiuni utimullu (Isi4u 3 dag):	1.500
Unnuiffissaq Ilulissat 7 dag:	6.877,-
Nerisaqarneq ullunut 7 á 300,- ullormut:	2.100,-
Allat:	<u>500,-</u>
Aningaasartuutissat allallu naatsersuutiginnngisat ilanngullugit :	<u>13.211,-</u>

Innersuussut

Allaffeqarfiup innersuussutigaa ilaasortanit oqaluuserineqassasoq aalajangiiffigineqassasorlu

Aalajangiineq

Ilaasortaniit akuersissutigineqarpoq.



Imm. 10 Arctic Sport Itilleq qinnuteqaataa

J.nr

Tunuliaqutaa:

Arctic Sport Itilleq nunaqarfimmi aqutsisunut aningaasanik qinnuteqaataat, qinnuteqartoq sungiusaasartoq Michella Nathansen. Oqaluuserisassanngortitaq nunaqarfimmi aqutsisut siulittaasuanniit Erneeraq Jensen-imit akuersissutigineqarpoq.

Nuna tamakkerlugu kattuffimmiik Arctic Sport-ertartunut sungiusaasunik pikkorissaanissamut 30/10 – 02/11 ilulissani pisussami nunaqarfimmi aqutsisunut aningaasanik qinnuteqarput Arctic Sport Itillimi siulittaasoq Michella Nathansen. Sungiusartartut amerliartornerini aammalu nunanut allanut unammiartitaqalernikuunermi sungiusaasut atorfissaqartinneqarmata angusarissaarnissaq siunertaralugu.

Aningaasat qinnutigineqarput katillugit: 7559kr

Taxat sisimiuni ilulissanilu siumut utimullu	600kr
Billet Itillimiik sisimiunut	395kr
Billet sisimiuniik ilulissanut	3064kr
Unnuiffissaq sisimiunut ullut 3	1300kr
Nerisaqarneq ullut 5	1500kr
Sisimiuniik itillimut uterluni	700kr
Katillugit tamarmik	7559kr

Innersuussut

Allaffeqarfiup innersuussutigivaa ilaasortaniit oqaluuserineqassasoq aalajangiiffigineqassasorlu

Aalajangiineq

Ilaasortaniit akuersissutigineqarpoq.



Imm. 11 Paasissutit / ilisimatitsissutit

- Itillimi allaffimmi ikiortip qaammammut nalunaarutaa
- 19/09 aningaasanut qinnuteqaatigineqarnikoq.



Imm. 12 Tamalaat

Amalie Dahl: Ukioq manna suliat sumut killippat? Sanaartugassat utaqqisut pillugit Amalie apeqquiteqarpoq.



Ataatsimiinneq naammassivoq nal. 13:35

